

indicat, quæ dicit: *Qui offert sacrificium de rapina pauperis, tanquam si quis victimet filium in conspectu patris sui* (*Ecccl. xxxiii, 24*). Sicut enim interfectio filii atque effusio sanguinis ejus coram oculis patris qui genuit eum placere non potest: ita omnipotenti Deo oblatio de malis acquisita. Hinc per Isaiam de talibus dicitur: *Qui offert oblationem de substantia pauperis, quasi qui sanguinem suillum offerat, qui recordatur thuris, quasi qui benedicat idolo* (*Isa. lxvi, 3*). Nihil certe in Veteri Testamento tam odibile, quam oblatio sanguinis suilli. Nihil tamen magis execrabilis in Novo et Veteri, quam benedicere idolo, et tamen misericordia de rapinis pauperum oblate his merito comparatur. Quo contra sancta Scriptura præcipit dicens: *Ex substantia tua fac eleemosynam, et noli avertere faciem tuam ab ulla paupere* (*Tob. iv, 7*): ex substantia enim, inquit, tua, non ex aliena; quia sicut ex tua Dei clementiam invenis, ita ex aliena iram incurris.

16. Apte autem hoc in loco illud etiam occurrit quod memoriae defuisse cognosco. Quia nonnulli ex justis quidem laboribus atque redditibus præparant quæ omnipotenti Deo offerant: in propriis tamen usus male acquisita assumunt, quibus dicendum est quia quanvis putentur justa, non tamen possunt placere summo Bono illorum munera, qui non studuerint immaculatam servare vitam. Quid enim pretiosius conditori nostro anima nostra? An dona nostra? Quod si anima sorduerit interior, nunquid munus aliud exterius placebit? Restat igitur ut nihil ex iniquitate largitori vestro offeratis, nihil ex malo usu vestro assumatis, sed ex justis laboribus ac justis redditibus, et illi offeratis et vos vivatis. Restat etiam ut sit res temporalis in usu, solus ille qui vos creavit et bona temporalia præparavit in desiderio, ut cum transierint illa quæ dedit, perveniat ad illum qui dedit, cum quo sine fine gaudeat, sine fine regnet, in cuius regno sicut sol fulgeatis, ut lilia et rosea vernantes redoleatis, omnibus divitiis

A perenniter affutatis, ubi sanctis Deumque timentibus civitas præparata est, cujus fundamentum omnium lapidum pretiosorum ornatus subsistunt, quæ habet portas ex singulis margaritis, cujus platea ex auro mundissimo constat, per cujus medium flumen aquæ viæ decurrit ex ultraque parte fluminis, lignum vita afferens fructus duodecim per menses duodecim, ubi manna absconsum et panis angelorum edentibus datur; qui sic saturitatem affert, ut nunquam fastidium inferat; sic esuriem tollit, ut nunquam edendi cupiditatem adimat; ubi nullus sole, nullus luna atque lucerna indigebit, quia nox ibi non erit, et Dominus Deus omnipotens lumen omnium erit. Ab illa autem luce, quam tunc sancti videbunt, hæc quam modo videinus lumen accepit, longe eminenter, longe præstantior quam ista, quia illa creatrix, ista creata. Illa lux mentium, hæc lux corporum. Non ergo illa talis qualem videre consuevimus oculis carnis; sed nec illa bona quæ præmisimus talia erunt, qualia vel videre in hac vita, vel audire, vel cogitare aliquis potest; sed multo excellentiora, multoque beatiora, quia, ut Scriptura ait: *Nec oculus vidit, nec auris audivit, nec in cor hominis ascendit, quæ præparavit Deus diligentibus se* (*I Cor. ii, 9*). Illam igitur inquirite, illam desiderate, ad illam mentis desiderio tendite. Ego certe qui nullum adulationibus decipere audeo, nulli quod utile est subtrahere quero, quia hæc quæ promissa sunt, non contra avaros, sed contra avaritiam; non contra naturam, sed contra vitium protuli. *Quod melius consilium dare possum non invenio, qui que eti si in extirpatione cupiditatis totum ut potui labore exhibui, tamen octoginta et amplius Scripturarum testimonii, quasi quibusdam ictibus surculos ejus incidente percutiens, a mercede vacuus non ero, fidelem retinens promissorem mediatorem Dei et hominum hominem Christum Jesum, qui cum Patre et Spiritu sancto vivit et regnat Deus per omnia saecula saeculorum. Amen.*

## SERMO DE LECTIONE EVANGELICA ,

EDITUS A DOMINO AUBERTO PRESBYTERO ATQUE ABBATE , IN PURIFICATIONE S. MARIE.

(Ex duobus MSS., uno S. Germani a Pratis, altero Floriacensi, apud Martene ampliss. Coll. I. IX.)

1. Subtiliter a fidelibus quæ sit hujus diei festivitas perpendatur; eo devotionis affectu eam celebrandam suscipient, quo dominicae nativitatis, circumcidionis atque apparitionis solemnia sunt obsecuti. Illius enim est ista solemnitas ejus et illa, sed nec minor ista quam illa: quod utique in hoc sermone aperitis monstrabimus documentis. Illujus quippe diei solemnitas, sicut a quibusdam ignoratur, sic a multis præ cæteris anni solemnitatibus honoratur habetur: maxime autem eo loco quo primatum Ecclesia catholica in primo pastore sortita est. In tanta enim reverentia ab illis habetur, ut ea die cuncta

D civitatis turba in unum collecta, immensis cereorum luminibus coruscans, missarum solemnia concelebret, nullusque aditum publicæ stationis intret, qui lumen manibus non tenuerit, tanquam scilicet Dominum in templum oblaturi, immo etiam suscipiuri, et Hædi lumen quo interior fulgent, exterior oblationis suæ religione demonstrant.

2. Hodie namque juxta legem atque Evangelium, peractis a nativitate Christi quadraginta diebus, in templo est a parentibus idem Dominus præsentatus. Hodie a sancto Simonne susceptus, Patrique cum sacris oblatus munerialibus. Hodie re-lempionem Is-

rael exspectantibus ab eodem Simone et Anna publice est prædicatus. O quam pium spectaculum, quo nonnisi pii delectari probantur ! Stat hic virgo et Mater, non cujuscunque, sed Dei. Suscipitur hinc infantulus, parvus virginis filius, cuius divinitatem non capit mundus. Occurrunt hinc inde prophetæ, atque uterque sexus de puero prophetat. Offerit oblatio pro puero, non tamen quæ delicta emundet, sed quæ sacramenta declarat. Et quia bujus diei præconium attollere cupio, libet ipsam evangelicam lectionem colloquendo transcurrere, in qua ista cognosco narrari, quatenus ad ea quæ dico illa respondeat; inio ad ea quæ illa narrat vox exhortationis meæ respondeat. Denique Lucas evangelista veritatis historiam de Christi incarnatione plenius atque ordinatus cæteris evangelistis exsequens, post annuntiationem ejus ab angelo factam, post nativitatem angelorum vocibus declarataam, post circumcidionem octavi diei in domo parentum, hæc in ordine sequitur dicens :

3. Postquam impleti sunt dies purgationis matris ejus, secundum legem Moysi, tulerunt illum in Jerusalem, ut sisterent eum Domino, sicut scriptum est in lege Domini, quia omne masculinum adaperiens vulvam, sanctum Domino vocabitur (Luc. ii, 21). Cunctis fidelibus liquet nequaquam Redemptoris matrem ex ejus nativitate maculam contraxisse, qua illorum diem spatio, a sacris ædibus abstinentes, purgaretur, quæ sine humana concupiscentia, sine humano concubitu, virgo concepit, sine aliqua carnis corruptione virgo peperit, et sine fine virgo permansit ; ac plus hoc nec masculus ex ea natus vulvam ejus aperuit. Sed hoc juxta legi narrationem evangelista contexens, claudit impiis sacramentum divinæ incarnationis, anatremqne legem observantem introducit. Sed nec antrum, si mater obseruaverit legem, quam ejus Filius non venerat solvere, sed adimplere. Sciebat enim quo ordine conceperat, quo usu pepererat, et quis esset quem generat. Sed legem communem observans, exspectavit purgationis diem, celavit Filii maiestatem. Hinc est quod eum in templo duodecim annorum inter doctores legis inveniens, Iulius Joseph vocat dicens : *Fili, quid fecisti nobis sic ? ecce pater tuus et ego dolentes quærebamus te* (Luc. ii, 48), quem procul dubio sciebat se sine concubitu Joseph concepisse, sine corruptione virginali edidisse. Sed cur abscondit conceptionis ac nativitatis illius sacramentum, quem novit Deum immensum ? nunquidnam quia invidit aliis, quem ad templum deferens, sancti sensi tradidit manibus ? Absit. Sed ut prophetæ spiritu replita, Redemptorem mundi impiis non aperriret. Sciebat enim iam tunc gratia plena, spiritu divinitatis afflata, quia si hunc principes hujus sæculi cognovissent, nunquam pro nostra salute crucifixissent. Offer ergo, beatissima Virgo, tanquam legem observans, in templo quem edidisti, ut non omnibus, sed paucis revéletur. Quis est quem genuisti ? appareat interim hominis, lapis abscissus de monte sine manibus, ut reproketur ab adstantibus,

A usquequo statuam pedibus percutiens, creseat in montem magnum, impletaque universum orbem terrarum. O quam parvus ! O quam magnus est quem genuisti ! Parvus in humanitate, magnus in divinitate. Parvus in regno Judæorum, magnus in regno gentium. Sed non ab omnibus in regno Judæorum parvus aestimatus est. Nam et ipsa quæ hunc peperisti, ex ipso populo Israel in virginem crevisti. Virga enim de radice Jesse surrexisti, et floristi virga Aaron, frondasti et nucem peperisti. Et quia præ omnibus immensitatem ejus agnovisti, quem tam parvissimum ex te natum vidisti, procul dubio quem infantem genuisti, Deum omnipotentem tremens adorasti, adorans tremuisti ; quem tamen secundum humanitatem Filium recognovisti, lactasti, fovisti, aluisti. Quis putas nobis possit indicare in te hujusmodi obsequia, animi tui sénsum, o beatissima Virgo, cum hinc cerneret ex te natum tantillum infantem, illinc attenderes Deum immensum ? hinc creatum, illinc creatorem ; hiac infirmum, illinc fortissimum ; hinc alendum, illinc alentem ; hinc non loquentem, illinc angelos docentem ? Quis, inquit, pectoris arcana nobis reserare valeat, quibus modis cogitatum ad ultraque flectebas, cum unum eundemque Deum et hominis Filium manibus tenuens, hinc adorares et Dominum, illinc osculaveris ut parvulum ? Quis ad tam ineffabile miraculum non obstupescat ? quis non pene elinguis fiat ? Generat puella suum et omnium creatorem, portat suum et omnium rectorem. O admirandum spectaculum, ad quod non solum humana, verum etiam angelica obstupescit natura !

4. Ad hoc, fratres charissimi, fidei oculos erigit, ad hoc pietatis affectum convertite. Ibi Christum suscipe pro vobis in carne humiliatum ; sed adorate in sua divinitate Deum excelsum. Aimplectimini parvulum, sed cogitate immensum. Jam vero, dilectissimi, si queritur quid mystice significatum fuerit in eo quod Redemptor noster a matre, a parentibus ex propria civitate in Jerusalem ad templum Domini se portari voluit, invenimus ipsam gloriosam matrem et virginem, ejusque propinquos figuram gessisse illius Ecclesiae quæ ex Judæa in apostolis credidit. Quando enim Ecclesia non virgo, cuius membra Apostolus affatur dicens : *Despondi enim vos uni viro virginem castam exhibere Christo* (1 Cor. xi, 2) ? Quando ipsa non mater, de qua per Psalmistam dicitur : *Mater Sion dicet homo*, et Dominus in Evangelio : *Quicumque fecerit voluntatem Patris mei, qui in cælis est, ipse meus frater, soror, et mater est* (Math. xxi, 40) ? Quando electi non propinqui, qui fratres et sorores sunt appellati ? Mater itaque et propinquai Redemptorem nostrum a Nazareth in Jerusalem ad templum Domini deferunt, quia primitiva illa in priuis discipulis Ecclesia a Judæis repulsa, ejusdem Redemptoris dispensationem ad notitiam gentium perduxit. Ipsa enim Ecclesia non solum ex gentibus, verum etiam ex Judæis, Jerusalem, id est Visio pacis, recte vocatur, de qua per Psalmistam dicitur : *Jerusalem*

*que adficatur ut cibitas, cuius participatio ejus in id ipsum (Psalm. cxxi, 5). Ipsa est et templum. Nunc per Paulum fidelibus dicitur : *Templum Domini sanctum est, quod estis vos* (I Cor. iii, 17). Ac per hos cum apostoli ex Iudea Christum annuntiantes, veniunt ad gentes, nimirum et Jerusalem ad Jerusalem convenit, et templum ad templum occurrit, cum homines una sint Jerusalem civitas, unum et templum. In hac itaque civitate et templo ab apostolis oblatus Christus excipitur. Unde et ipsa Ecclesia Psalmista voce Deo Patri loquitur dicens : *Suscepimus, Deus, misericordiam tuam in medio templi tui* (Psal. xlvi, 10), subaudis in medio Ecclesiae, quae est templum tuum. Sive autem secundum historiam, sive juxta mysticum intellectum, cur Christus a parentibus ad sanctam civitatem et templum ducatur, causa manifestatur, cum subditur :*

*5. Ut darent hostias, secundum quod dictum est in lege Domini, par turturum, aut duos pullos columbarum* (Luc. ii, 24). Praeceptum quidem legis fuerat, ut si cui forte agnus desuisset, et unum horum, id est aut par turturum, aut duos pullos columbarum invenisset, Deo in oblationem filii offerret, nec praedicaretur ex altero, qui unum quodlibet horum obulisset. Sed quia utraque Christi Ecclesiæque sacramenta significant, credendum est utrumque ad sacrificium matrem invenisse atque obulisse. Denique in hac oblatione avium illa præfigurabatur oblatio quæ pro salute mundi oblata est vespera diei, Domini videlicet passio, per quam sumus reconciliati Deo. De hac quippe hostia per Paulum fidelibus dicitur : *Ambulate in dilectione, sicut et Christus dilexit nos et tradidit semetipsum pro nobis oblationem et hostiam Deo in odorem suavitatis* (Eph. v, 2). Et rursum : *Qui dilexit me, inquit, et tradidit semetipsum pro me* (Gal. ii, 20). Quia vero omnes electi membra sunt Christi, in tortura scilicet designantur tortures, atque in columba columbae. Designat etiam hac avium oblatio mortificationem electorum, quibus per eundem apostolum dicitur : *Obsecro vos per misericordiam Dei, ut exhibeatis corpora vestra hostiam viventem, sanctam, Deo placentem* (Rom. xii, 1). Sed nulla esse potest accepta Deo mortificationis oblatio, in quibus non fuerit vera fidei castitas, veræque charitatis concordia. Proinde non sine causa sacrificium quod pro Domino mystice oblatum perhibetur, ex turturibus et columbis suis narratur. In tortura enim castitas invenitur, et in columba charitas commendatur. Turtur namque intemeratam servat uni viro fidem; columba vero aliarum cohabitantium non deserit unitatem. Catholicus igitur Christianus tunc vero spiritualis tortur efficitur, si veram Trinitatis fidem firma credulitate conservet, et hereticæ pravitatis sensum tanquam fornicationis inquinamenta repudiat. Tunc vero erit columba, si longamiter usque ad fine in catholicæ societate permaneat, et contra tentationum scandala immobili firmitate persistat, ut nec heretica fornicatio corrumpt in corde fidei castitatem, nec

A amara dissensio ecclesiastica dissipet unitatem. Haec enim est Ecclesia catholica, quæ fidem uni Domino tanquam legitimo viro conservat, et congregationem multorum in fide multiplicat. Sequitur

*6. Et ecce homo erat in Jerusalem, cui nomen Simon, et homo iste justus et timoratus, exspectans consolationem Israel, et Spiritus sanctus erat in eo, et responsum accepérat a Spiritu sancto, non visurum se mortem, nisi prius videret Christum Domini. Et venit in Spiritu in templum* (Luc. ii, 25). Nihil minus de sanctitate isti specialiter ascribitur homini, qui et in Jerusalem, id est in Visione pacis commoratus, et fidei operatione justus, et reverentia timoratus, et Israëlis consolatione attonitus, et Spiritu sancto repletus, ejusque responsione de incarnatione Verbi visione roboratus fuisse perhibetur. O quam ardenti desiderio homo iste exspectabat, secundum Spiritus sancti promissionem, videre in carne Redemptorem! Quæ putamus fuerit instantia orationis ejus, qua divino responso meruit firmari de his quæ petebat? Quæ erant ejus gemituum continuata verba in sancta depreciation? Non enim in petendo cessavit, usque quo responsum acciperet super his quæ poscebat. Fuere siquidem in retroactis temporibus multi simili desiderio accensi, Domino attestante, qui ad discipulos ait : *Multi reges et prophetæ voluerunt videre quæ vos videtis, et noui viderunt; et audire quæ auditis, et non audierunt* (Luc. x, 24); sed ex illis hoc isti soli concessum est, qui in plenitudine temporis horum ultimus apparuit. Sed si vigilanti studio subsequentium sanctorum attendimus desiderium, quibus Christus sicut vivere et mori lucrum, invenimus eos non minoris anxietatis ardore divinitatem ejusdem Salvatoris intueri velle, quam ille concupivit inspicere carnem. Ilinc Paulus dicit : *Cupio dissolvi et esse cum Christo* (Psal. i, 23). Ilinc Psalmista et persona Ecclesiae dicit : *Sitivit anima mea ad Deum vivum, quando veniam et apparebo ante faciem Dei* (Psal. xli, 3). Quis ergo hinc jam non videat in uno Simeone justo cunctos significari electos, qui nunc et justi ex fide atque operatione, et timorali ex futura exspectione, et attoniti inveniuntur ex ventura consolatione? In quibus etiam Spiritus sanctus inesse cognoscitur, quia et per Apostolum dicitur : *Charitas Dei diffusa est in cordibus nostris per Spiritum sanctum qui datus est.* Et rursum fidelibus dicit : *Corpora vestra templum sunt Spiritus sancti, quem habetis ex Deo* (Rom. v, 5). Quique etiam responsum accipiunt a Spiritu sancto non visuros se mori, nisi prius videant Christum Domini, quia in hac adhuc corruptibili vita, ejusdem Spiritus sancti gratia revelante, apertis fidei oculis, euia qui se cum illis usque in finem saeculi mansurum esse promisi, aspiciunt, non jam carne parvulum, sed divinitate immensum. Qui etiam cum Paulo dicunt : *Et si noverimus Christum secundum carnem, sed nunc jam non noverimus.* Habitant etiam isti in Jerusalem, atque in spiritu in templum, quo Christus introducitur, veniunt. Ipsi

enim sunt Jerusalem, qui habitant in Jerusalem. Breviter, fratres, ista percurrimus, ne dom. quæ sunt hujus diei sacramenta, quodque sanctum puerique præconium indicare studemus, cuiilibet in stadium veniamus. Sequitur :

*Et cum inducerent puerum Jesum parentes ejus, ut facerent secundum consuetudinem legis pro eo, et ipse accepit eum in ulnas suas, et benedixit eum, et dixit : Nunc dimittis, Domine, servum tuum, secundum verbum tuum, in pace, quia viderunt oculi mei salutare tuum (Luc. ii, 27).* Hinc unius hinc multorum, imo etiam omnium adimpletur exspectatio justorum. Sed dicamus prius de uno, et sic loquamur de omnibus. Cupimus enim ad hoc studium nostrum inflectere, ut quod de uno dicatur, de omnibus veraciter sentiat. Ecce dum specialiter de uno venerabili sene cupimus loqui, occurrit prædicanda Virginis prudenter, non humana industria fulta, sed Spiritu Divinitatis afflata, quæ Filium oblatum veniens, suæque naturæ humilitatem servans, prophetæ manibus tradidit offerendum, non ignara utique quis esset, cujus manibus Denm hominemque tradebat sacrificio dedicandum. Offerit autem Dominum prophetarum prophetæ, offerit unicum uni, imo omnibus in uno, quæ omnibus eundem peperit Salvatorem. Non enim desinit hic usque offerre quem genuit, cum suis sanctis intercessionibus eundem redemptorem electis uniri facit; et, ut verum fatear, materno affectu id ipsum piissima facit. Omnes enim filios d'putat, quos divina gratia Christo consociat. Quando enim non ipsa mater electorum, quæ fratrem genuit eorum? Si, inquam, Christus credentium frater, cur non ipsa quæ Christum genuit sit credentium mater. Quamobrem obsecro, mi beatissima Virgo, offer nobis Christum piis suffragiis, quæ nescis invidere filiis, sed nec attendas filiorum injurias, a quibus non ut dignum est honoraris. Tolerat enim irreverentiam filiorum, quæ amore vincitur generationis. Fove ergo etsi tantis meritis indignos piis orationibus, quos in Uno genuisti. Deprecare unicum Filium pro excessibus multorum.

8. Sed jam, fratres charissimi, Christum in ulnas suscipiens, quid unus specialiter Simeon dicat audiamus. Ait enim : *Nunc dimittis servum tuum, Domine, secundum verbum tuum, in pace ; quia viderunt oculi mei salutare tuum (Luc. ii, 29)*, ac si diceret : Longa me exspectatione fatigasti, diu reliquisti; sed tandem viso quem exspectavi, jam de humanae vitæ scandalis in pace dimittis. Dimittis in pace, quia secundum promissionem tuam per incarnati Verbi mysterium, solutis iniuriciis, tibi merui reconciliari. Dimittis in pace, quia video pacem. Ipse enim est pax nostra, qui fecit ultraque unum. Hoc denique et omnes electi dicunt, et qui Christum in ulnas suas suscipiunt, qui fidei oculis salutare Dei conspicunt. Quid enim est Christum in ulnas suscipere, nisi piis operibus in membris amplecti? Per ulnas enim, id est brachia, virtus operationis exprimitur. Cum enim in alio esurientem

A Christum satiant, et in alio sidentem potant, et in alio hospitem suscipiunt, et in alio nudum operiunt, et in alio infirmum vel in carcere positum visitant, his procul dubio devotis actionibus tanquam brachiis, quotidie eundem ipsum puerum amplectuntur. Et quia hæc agentes illum se in his suspicere plena fide cognoscunt, illum se in his videre non dubitant, qui dixit : *Et quandiu fecistis mihi de his minimis meis, mihi fecistis, atque eisdem operibus, ut ad pacem Dei rejeant, et peccati scandalo absolvi se credunt, recte credunt.* Recte idem Simeon exclamat dicens : *Nunc dimittis servum tuum, Domine, secundum verbum tuum, in pace, quia viderunt oculi mei salutare tuum.* Ac si electi dicant : Ideo nos a peccati scandalo promissione tua absolvens, jam in pace reconciliatos passibus amoris propinquare cœlestibus facis, quia fidei oculis salutare tuum, id est Dominum Jesum Christum in membris ejus intueri, eumque piis operibus amplecti meruimus. De quo adhuc sive ille, sive isti, Deo Patri dicunt : *Quod præparasti ante faciem omnium populorum.* Nisi a toto pars intelligenda sit populorum, quæ Salvatorem in carne viderit, juxta literam ratio non stabit, quia eum nec carnis, nec fidei oculis omnes populi conspexerunt. Ante faciem ergo omnium populorum hoc salutare tuum dicitur præparatum, quia ex omnibus populis in eum crediderunt, quia eum credentes fidei oculis aspexerunt. Nam quod Dominus dicit Thomæ : *Quia vidisti me credidisti, beati qui non viderunt et crediderunt (Joan. xx, 29)*, hoc de visione corporali locutus est, de quo et subditur : *Lumen ad revelationem gentium et gloriam plebis tuæ Israel.* Hoc itaque lumine de tenebris revelate, et hoc inventæ, hoc illustrato sunt gentes, sicut scriptum est : *Gentium populus, qui ambulabat in tenebris, vidit lucem magnam. Sedenibus in regione umbræ mortis lux orta est eis (Isa. ix, 2).* De hoc lumine Joannes evangelista testatur dicens : *Erat lumen verum, quod illuminat omnem hominem venientem in hunc mundum (Joan. i, 9).* De hoc in Epistola sua dicit : *Deus lux est, et tenebrae in eo non sunt ullæ (I Joan. i, 5).* De hoc idem lumine in Evangelio ait : *Lumen venit in mundum, et dilexerunt homines magis tenebras quam lucem (Joan. iii, 19).* Et iterum : *Quandiu sum in mundo, lux sum mundi (Joan. ix, 5).* Quodque cum sit etiam gloria gentium, in eo ad gloriam Israëlis dicitur præparatum, quia sive in patriarchis ac prophetis, atque apostolis, imo etiam in ipso omnium capite Christo, sive in eloquii Dei, amplius gens illa quam gentes gloria monstratur, Apostolo attestante, quia ait : *Quid ergo amplius est Iudeo? aut quæ utilitas circumcisianis? multum per omnem modum.* Primum quidem quia credita sunt illis eloquia Dei (Rom. iii, 4) Et rursum : *Et quorum adoptio est filiorum, et gloria, et testamentum, et legislatio, et obsequium, et promissa, quorum patres, et ex quibus Christus secundum carnem, qui est Deus benedictus in sæcula. Amen (Luc. ii, 35).* Sequitur :

9. *Et erat Joseph, et Maria mater ejus, mirantes super his quae dicebantur. Quibus mirantibus etiam nos ipsi miramur, cur ipsi sint super his quae de illo a propheta sancto dicebantur, mirati. Nunquid enim Joseph jam in somni, ab angelo non audierat: Joseph fili David, noli timere accipere Mariam conjugem tuam: quod enim in ea natum est, de Spiritu sancto est. Pariet enim filium, et vocabis nomen ejus Iesum. Ipse enim salvum faciet populum suum a peccatis eorum (Matth. 1, 20). Nunquid et ipsa sacrissima virgo, quae salva virginitate filium se genuisse sciebat, priusquam pareret vel conciperet, ab angelo non audierat: Ave, gratia plena, Dominus tecum. Benedicta tu inter mulieres. Spiritus sanctus superveniet in te, et virtus Altissimi obumbrabit tibi, idcirco et quod nascetur ex te sanctum, vocabitur Filius Dei (Luc. 1, 28)? Quid ergo mirabantur super his quae dicebantur de illo, nisi quia ceteris mirantibus, sacramentum impiam occultant? quid sibi velint talia quae de tantillo infantulo ab homine sene dicuntur, et ipsi mirantur? Sed audiant adhuc de illo majora; denique sequitur:*

10. *Et benedixit illis Simeon, et dixit ad Mariam matrem ejus: Ecce positus est hic in ruinam et in resurrectionem multorum in Israel, et in signum cui contradicetur (Luc. 11, 34). In una Redemptoris nostri Dei hominisque persona perfectam Dei, perfectam hominis inesse constemur naturam. Ex una quidem Dominum, ex altera servum; ex una fortem, ex altera infirmum; ex una magnum, ex altera parvum; ex una creante, ex altera creatum; ex una pascentem, ex altera esurientem; ex una recreantem, ex altera sitiensem; ex una miraculis coruscantem, ex altera injuriis succumbentem; ex una vivificantem, ex altera morientem; ex una suscitantem, ex altera hunc prædicamus suscitatum; et cum aliud sit in eo Dominus, aliud servus; aliud fortis, aliud infirmus; aliud magius, aliud parvus; aliud creans, aliud creatus; aliud pascens, aliud esuriens; aliud recreans, aliud sitiens; aliud miraculis coruscans, aliud injuriis succubens; aliud vivificant, aliud moriens; aliud resuscitans, aliud resuscitatus; non tamen aliis Dominus, aliis servis; alias fortis, alias infirmus; alias magnus, alias parvus; alias creans, alias creatus; alias pascens, alias esuriens; alias recreans, alias sitiens; alias miraculis coruscans, alias injuriis succubens; alias vivificant, alias moriens; alias resuscitans, alias resuscitatus; sed unus idemque Dei atque hominis Filius, ex uno, ut dictum est, Dominus, ex altero servus; ex uno fortis, ex altero infirmus; ex uno magnus, ex altero parvus; ex uno creans, ex altero creatus; ex uno pascens, ex altero esuriens; ex uno recreans, ex altero sitiens; ex uno miraculis coruscans, ex altero injuriis succubens; ex uno vivificant, ex altero moriens; ex uno resuscitans, ex altero resuscitatus; qui ante oculos mortalium positus, ex uno venerabatur ut Deus, ex altero despiciebatur ut homo. Denique*

A *cum hunc Judæorum populus cerneret de quaque panibus tot millia hominum pascentem, infirmos curantem, leprosos mundantem et mortuos suscitantem, Deum esse arbitrabantur. Rursum cum eumdem aspicerent esurientem, sitiensem, lassescientem, dormientem atque injuriis succubentem, purum esse hominem suspicabantur; et haec quidem apud incertas turbas, sed non apud discipulos. Neque enim ita in cordibus eorum variabatur, qui illies assiduis privatissimo eloquis fruebantur, quibus et ab ipso dicitur: Vobis datum est noste mysterium Dei, ceteris autem in parabolis, ut videntes non videant, et audientes non intelligant (Luc. VIII, 10). At ubi venturus est ad passionem mortis, periret fides, ablatâ est omnium spes, denique, ut evangelista testatur, omnes eo relicto fugerunt (Matth. XXVI, 56). Ex quibus dum unus vincitur a longe sequitur, ad atrium perveniens, eumdem se cognovisse denegat. Et quis in mortis passione illo ruente non rueret, cum precipitus ejus amator, unius ancillæ voce territus, non seinet, sed ter abnegaverit? Sed illo in carne a mortuis resurgentem, resurrexit et anima discipuli. Utrumque autem ante passionem ejus, eadem quæ tradebatur nocte, in discipulis somno perfidiae lapsis, ac suscitate eisdem redemptoris designatum est. Mors ergo ejus facta est ruina multorum. Dicatur itaque:*

C *11. Ecce positus est hic in ruinam et in resurrectionem multorum in Israel, ac si diceretur: Eo moriente multi exstantibus ruent; eo resurgentem, multi ex lapsis resurgent. Quia vero illo moriente multi ruerunt, illo resurgentem multi resurrexerunt, sed in eum qui ex mortuis resurrexit non omnes crediderunt, recte subiungitur: Et in signum cui contradicetur. Quod enim signamus, ab aliorum notitia abscondimus. Quid autem ante infidelium oculos aliud fuit caro Redemptoris, quam quoddam divinitatis ejus sigillum absconsionis? In signum itaque Redemptor noster positus fuit, sed cui, nisi illi ei contradictum fuit? Quæ causa contradixit? quid contradixit? cui contradixit? Ut autem tanquam interroganti cuiilibet breviter respondeam: Quæ causa contradixit, nisi mors carnis? quid contradixit, nisi non esse Deum qui mori potuit ut homo? cui contradixit, nisi omni incredulo? quæ videlicet contradicunt quibusdam in scandalum, quibusdam versa est in scismaticum, Apostolo attestante, qui ait: Nos autem prædicavimus Christum crucifixum, Judæis quidem scandalum, gentibus autem stultitiam (1 Cor. 1, 23).*

D *12. Sequitur itaque venerabilis senex justus ac propheta Dei et dicit matri Jesu: Et tuam ipsius animam pertransibit gladius, ut revelentur ex multis cordibus cogitationes (Luc. 11, 35). Solet nonnunquam in Scriptura sacra gladii nomine temporalis tribulatio figurari, Psalmista attestante, qui illatas a persecutoribus passiones in ipsos exoptat inflicit dicens: Gladius eorum intret in corda ipsorum (Psal. XXXVI, 15). Hinc idem Psalmista de Joseph loquitur dicens: Ferrum pertransiit animam ejus, donec veniret*

verbū ejus (*Psal. civ*, 48), ac si diceret : Tandiu fuit in illa servitutis vel carceris tribulatione, donec illud quod futurum prædixerat eveniret. Sed nec aliud hoc loco per gladium intelligimus figurari. Quanquam autem multæ tribulationes animam transfoderint beatissimæ Virginis, illa tamen hic specialiter designatur, quæ, Domino in cruce moriente, materna viscera transfigit. Dicatur ergo eidem a sancto propheta : *Et tuam ipius animam pertransibit gladius, ut revelentur ex multis cordibus cogitationes.* Ac si diceretur : Maternis visceribus tribulationis gladio verberatis, videbis in cruce pendente quem angelo nuntiante virgo conceperit, manente virginitate filium edidisti, quatenus per hoc factum et Judæorum exsultantium iniquitas, et discipulorum fugientium inßrmitas denudetur. Denique illo in cruce pendente, Judæi præsentes insultabant ut descenderet; apostoli fugientes de cruce illum descendere posse non credebant. Quæ dum florent, necesse fuit materna piaque viscera ex ejusdem Redemptoris passione gladio tribulationis transfigi.

13. Sed jam ista, ut cœpimus, quid mystice significant breviter demonstremus. Quia enim intra sanctam Ecclesiam constitutus, non videat in morte Redemptoris nostri illos cadere, qui hunc aut solummodo hominem mortalem suisse, aut veram carnem in passione vel resurrectione non habuisse asseverant? Et quis in ejus resurrectione non consideret illos resurgere, qui a persidia malæ credulitatis divina gratia reparari, et in vera hunc carne, salva divinitatis suæ impassibilitate, veraciter passum, et in vera carne veraciter a sua majestate suscitatum affirmant? an non aliis in ruinam, aliis vero in resurrectionem Christus factus fuerat, cum Paulus de se suisque sociis diceret : *Christi bonus odor sumus Deo, et in his quæ pereunt, et in his qui salvi sunt, et aliis odor mortis in mortem, aliis odor ritæ in vitam* (*II Cor. ii*, 15). De illis vero quibus humanitas carnis divinitatem abscondit Salvatoris, ita dicit : *Et si opertum est Evangelium nostrum, in his qui pereunt est opertum* (*II Cor. iv*, 3). Jam vero si devote, ut decet, attendamus, ipsam beatam Virginem, cuius animam gladius transfodisse perhibetur, typum Ecclesiæ prætendisse reperimus, cuius animam gladius pertransiit, scilicet verbum prædicationis. Quod enim per gladium prædicatio sancta figuretur, Paulus apostolus testatur dicens : *Et gladium Spiritus, quod est verbum Dei* (*Ephes. vi*, 17)? Gladius enim animam Mariæ transverberat, quia verbum Dei electorum corda penetrat, penetrans ab errore mortificat, ab errore mortificans in veritatem vita communiat. *Ut revelentur, inquit, ex multis cordibus cogitationes* (*Luc. ii*, 35), ac si diceret : Idcirco divini verbi gladius sanctorum corda funditus ab errore mortificans in veritatis doctrinam commutat, ut dum quorundam vitia virtutesque loquendo examinant, uniuersique loquuntur, intima sua manifestent. Hinc Paulus dicit : *Si omnes prophetent, in tre autem quis*

*A infidelis vel idiota, convincitur ab omnibus* (*I Cor. xiv*, 23), occulta etiam cordis ejus manifesta flunt, et ita cadens in terram adorabit Deum, pronuntians quod vere Deus est in vobis. Qui autem essent isti prophetæ, ipse Paulus inferius aperuit, dicens : *Prophetæ duo vel tres dicant, et cæteri dijudicent* (*I Cor. xiv*, 29), oremus autem necesse est ut idem gladius noster corda transfigat, quatenus Ædilem turbam, nobis prædicantibus, singulorum virtutes ac vilia exponentibus, unicuique interiora patetant. Sequitur :

14. *Et erat Anna prophetissa, filia Phanuel, de tribu Aser. Hæc processerat in diebus multis, et vivebat cum viro suo annis septem a virginitate sua. Et hæc erat vidua usque ad annos octoginta quatuor; quæ non discedebat de templo, jejuniis et observationibus serviens nocte et die. Et hæc ipsa hora superveniens confitebatur Domino, et loquebatur de illo omnibus qui expectabant redemtionem Jerusalem* (*Luc. ii*, 36). Hæc juxta historiam aperta sunt, nec habent aliquid obscuritatis, commendant autem castitatem beatæ mulieris, instantiam jejuniorum atque obsecratio-  
num diei noctisque in templo Dei inhærentis; sed latent quædam in his Ecclesiæ sacramenta. Quid enim per Annam, quæ *gratia Dei* interpretatur, nisi electorum Ecclesia designatur? ad cujus membra Apostolus loquitur dicens : *Gratia salvi facti esis per fidem* (*Ephes. ii*, 8). Quæ bene etiam filia Phanuel de tribu Aser suisse perhibetur, Phanuel quippe interpretatur *facies Dei*, Aser quippe vocatur *beatus*. Et qui alli per faciem Dei figurantur, nisi qui Spiritus sancti gratia repleti, ad cognitionem Dei humana corda primi perduxerunt? Quia enim per faciem quilibet cognoscitur, jure facies Dei vocantur hi per quos cognitionis divinitatis revelatur; quique non im-  
merito Aser, id est beati vocantur, quia ad æternam paternitatem, sive per inspiratam interiorum naturalem, sive per datum exteriorum legem eruditæ meruerunt. Unde scriptum est : *Beatus homo quem tu erudieris, Domine, et de lege tua docueris eum* (*Psal. xciii*, 12). In quibus verbis aperte monstratur, electorum Ecclesiam filiam esse patriarcharum ac prophetarum, quæ scilicet sive in spiritu, sive in verbo, recte prophetissa interpretatur, de qua adhuc subditur, et rixerat cum viro suo annis septem a virginitate sua. Et quis ejus alias est vir, nisi ille de quo per Isaiam prophetam dicitur : *In die illa apprehendent septem mulieres virum unum dicentes : Panom nostrum comedemus, et vestimentis nostris operiemur, tantummodo invocetur nomen tuum super nos. Aufer opprobrium nostrum* (*Ioa. iv*, 1). Quis alias hujus est vir, nisi ille de quo in Joannis Apocalypsi dicitur : *Civitatem sanctam Jerusalem vidi descendentem de cælo a Deo, paratam sicut sponsam ornatam viro suo* (*Apoc. xxi*, 2)? Quæ etiam antequam Christo sociaretur, ideo virgo vocabatur, vel quia tunc idola non colebat, vel certe quia non corrupta, sed infecunda erat. Tunc autem hanc sibi Christus univit, cum naturam humanam suscipiens, Evangelium exorsus fuit. Quod itaque annis septem

em viro suo a virginitate vixisse describitur, tempus ejusdem predicationis ipso septenario numero figuraliter concluditur, in quo et septiformem Spiritus sancti gratiam ab ipso acceperit, et ipsa in septem mulieribus, vel septem Ecclesiis mystice uiiri meruit. Et quia illu ascendente ad caelos humanitatis ejus praesentia desolata est, jure etiam vidua remansisse narratur. Annon vidua recte vocatur, de qua per beatum Job, haereticorum facta mentione, dicitur : *Pavit sterilem, quae non parit, et vidua bene non fecit (Job. xxiv, 21)*. Illud itaque gaudii tempus, quo praesentia viri in carne fruebatur; illudque tristitia, quo ejus praesentia Ecclesia desolanda erat, idem vir ejus designans dicit : *Non possunt jejunare filii sponsi, quandiu cum illis est sponsus. Veniet tempus cum auferetur ab eis sponsus, et tunc jejunabunt (Math. ix, 15)*. In numero autem octoginta quatuor annorum, quibus vidua esse describitur, totum tempus praesentis vitae exprimitur. Legimus enim filios Israël usquequo terram repromissionis ingredierentur, quadraginta duas mansiones in itinere habuisse : quibus scilicet quid aliud quam peregrinatio vitae praesentis figuratur, in qua eremi tribulationibus exercemur, usquequo ad terram viventium veniamus? Sed propter geminum Testamentum, Vetus scilicet et Novum, idem quadragenarius ac secundus numerus duplicatur, et sunt octoginta quatuor. Sicut enim propter utrumque Testamentum duodenarius numerus duplicatus in viginti quatuor senioribus, Ecclesiam designat, sic etiam propter eadem Testamenta quadragenarius numerus ac secundus duplicatus in octogenario quarto praesens Ecclesiae tempus figurat, et quod ibi per mansiones, hoc hic explicat per annos. Utrumque enim concorditer peregrinationem ejusdem Ecclesiae designat, de qua et bene subiungitur :

**15.** *Quæ non discedebat de templo, jejunis et obsecrationibus serviens nocte ac die. Ipsa enim est tempulum, quæ et vidua jejunis atque obsecrationibus serviens in templo, et quæ ablata sponsi sui corporali specie, quia hunc needum corporis oculis intueri valet, ad nihil aliud magis quam ad jejunium et orationem vacat. Hinc Psalmista ait : Fuerunt mihi lacrymæ meæ panes die ac nocte, dum dicitur mihi quotidie : Ubi est Deus tuus (Psal. xli, 4)? Digne itaque præmittit jejunia, et deinde obsecrationes conjugit. Quæ enim esse potest deprecationis, ubi regnat commissio? quæ esse potest obsecratio, ubi dominatur assidia potatio? Sed hæc dicens, cordis etiam vult intelligi jejunium, quo nisi quis ab immundis cogitationibus jejunare studeat, obsecrationibus Deo uniri non valet. Sive autem isto, sive illo jejunio, simulque orationibus fulta, die ac nocte servire describitur, sobaudit in prosperis et adversis, a bono opere non cessat. Sequitur :*

**A** **16.** *Et ut persecerunt omnia secundum legem Domini, reversi sunt in Jerusalem, in civitatem suam Nazareth (Luc. ii, 33). Hic jam figuraliter ultima Iudeorum conversio designatur, quando Enoch et Elia prædicantibus, Christus ad eos revertitur, peracta scilicet omnia in Jerusaleme, id est in Ecclesia gentium secundum legem Domini, Novi videlicet Testamenti. Quasi enim peracto sacrificio, ab Jerusalem in civitatem suam Christus cum parentibus revertitur, cum adimplita plenitudine gloriam, novissime cum præparatoribus sanctis ad eos colligendos ex quibus carnem suscepit regreditur. Sequitur :*

**B** *17. Puer autem crescebat et confortabatur, plenus sapientia, et gratia Dei erat cum illo (Luc. ii, 40). Hæc de illo secundum humanitatem dicta sunt, non secundum divinitatem. Neque in sua natura crescit, in qua plenus est, sed in nostra, in qua paulo minus ab angelis minoratus est. Nec in sua confortatur, in qua omnium fortitudo est, in qua plenitudo sapientiae est; sed in nostra, in qua pro nobis exinanitus est. Nec in sua gratia Dei indiget, in qua omnibus gratiam tribuit; sed in nostra, in qua ea quæ cum Patre habet accepit; quæ scilicet omnia ad melius, ad ejus corpus quod est Ecclesia, quam ad ipsum caput referri possunt. Usquequo enim illud consumetur quod Apostolus dicit : Donec occurramus omnes in unitatem fidei, et agnitionis Filii Dei in virtutem perfectum, in mensuram ætatis plenitudinis Christi, ut jam non simus parvuli (Ephes. iv, 13). Quotidie crescit in fide puer Jesus, quotidie confortatur virtutibus puer Jesus, quotidie verbo sapientiae adimpletur puer Jesus, quotidie gratia salvationis justificatur puer Jesus. Hæc de tanta diei hujus breviter diximus [solemnitate], hæc de tam mysticis sacramentis succincte transcurrimus, quia et prolixitatem evangelicæ lectionis attendimus, et ad hæc legenda horas breves habuimus.*

**C** *18. De castero dilectionem vestram admoneo, fratres charissimi, si tamen animos vestros hæc locutione fecit intentos, ut attendatis qua devotione hujus diei solemnitatem de reliquo celebrare debeatis. Non sit vile illud spectaculum, in quo Filius Virginis Deus et homo complectitur, in quo virgo et mater ostenditur, in quo prophetæ, imo prophetarum omnium expectatio adimpletur, in quo multa Ecclesiae sacramenta declarantur, quod ipse cordibus vestris imprimere dignetur, qui hodierna die sanctum justumque Simeonem Spiritus sancti illustratione interior pulsans ad templum quo ipse a parentibus offerebatur docuit, imo certe compulit ire, qui cum Deo Patre et eodem Spiritu sancto æquali potestate, æquali virtute, æquali maiestate, æquali æternitate vivit et regnat Deus in sæcula sæculorum. Amen.*